



Plotësimi i kushteve të mësipërme verifikohet dhe kontrollohet nga AKVMB-ja.

V. HYRJA DHE DALJA NGA TREGU

1. Shoqëruesi i kafshës, i cili ka në administrim kafshët e gjalla, dorëzon te veterineri zyrtar i pranishëm në treg, dokumentacionin dhe shoqërimin e kafshëve.

2. Të gjitha kafshët e gjalla që hyjnë dhe dalin nga tregu, duhet të shoqërohen me dokumentacionin e mëposhtëm:

a) certifikatën shëndetësore veterinarë për lëvizjen e tyre;

b) autorizimin e miratimit të mjetit të transportit;

c) pasaportën;

ç) vërtetimin për dezinfektimin e mjetit të transportit.

Dokumentacioni shoqërues pasqyrohet në sistemin RUDA, të administruar nga veterineri zyrtar, që mbulon kontrollin zyrtar veterinar të tregut.

VI. DISPOZITA KALIMTARE

1. Hapja e tregjeve të reja të kafshëve bëhet pasi të kenë plotësuar kushtet e përcaktuara me këtë udhëzim dhe vetëm pas miratimit nga AKVMB-ja, që kushtet në këto tregje janë në përputhje të plotë me këtë udhëzim.

2. Tregjet ekzistuese të kafshëve janë të obliguara që t'i plotësojnë kushtet e tregjeve, në përputhje me kërkesat e këtij udhëzimi, në afatin prej gjashtë muajsh nga dita e hyrjes në fuqi të këtij udhëzimi.

3. Ngarkohet Drejtoria e Politikave dhe Programeve të Sigurisë Ushqimore dhe Veterinarisë dhe Autoriteti Kombëtar i Veterinarisë dhe Mbrojtjes së Bimëve për zbatimin e këtij udhëzimi.

Ky udhëzim hyn në fuqi me botimin në Fletoren Zyrtare.

MINISTËR I BUJQËSISË DHE
ZHVILLIMIT RURAL
Frida Krifca

URDHËR

Nr. 393, datë 27.9.2021

PËR DELEGIM KOMPETENCASH

Në mbështetje të nenit 102, pika 4, të Kushtetutës së Republikës së Shqipërisë, të ndryshuar; të neneve 28 e 29, të ligjit nr. 44/2015, “Kodi i Procedurave Administrative të Republikës së Shqipërisë”, të ndryshuar; të ligjit nr. 10296, datë 8.7.2010, “Për menaxhimin financiar dhe kontrollin”, të ndryshuar; të nenit 21, pika 5, të ligjit nr. 162, datë 23.12.2020, “Për prokurimin publik”, dhe të nenit 73, pika 2, të vendimit të Këshillit të Ministrave nr. 285, datë 19.5.2021, “Për miratimin e rregullave të prokurimit publik”,

URDHËROJ:

1. Delegimin e kompetencave të titullarit të autoritetit kontraktor për procedurat e prokurimit, në Ministrinë e Bujqësisë dhe Zhvillimit Rural, Sekretarit të Përgjithshëm.

2. Delegimi i kompetencave mbaron me revokimin e aktit të delegimit.

3. Ngarkohet për zbatimin e këtij urdhri Sekretari i Përgjithshëm.

4. Urdhri nr. 74, datë 11.2.2021, shfuqizohet.

Ky urdhër hyn në fuqi menjëherë dhe botohet në Fletoren Zyrtare.

MINISTËR I BUJQËSISË DHE
ZHVILLIMIT RURAL
Frida Krifca

URDHËR

Nr. 413, datë 24.9.2021

PËR MARRJEN E MASAVE PËR PARANDALIMIN E INFEKSIONIT COVID-19, PËR PERSONELIN E INSTITUCIONEVE ARSIMORE DHE STUDENTËT

Në mbështetje të nenit 102, pika 4, të Kushtetutës së Republikës së Shqipërisë, të pikës 7, të nenit 18, të ligjit nr. 15/2016, “Për parandalimin dhe luftimin e infeksioneve dhe sëmundjeve infektive”, të ndryshuar, të udhëzimeve të Institutit të Shëndetit Publik, të Komitetit të Ekspertëve të Imunizimit të datës 29.8.2021, si edhe në zbatim të



vendimit të Komitetit të Përkohshëm për Infeksionin e Përhapur nga Coronavirus i ri nr. 3614 prot., datë 30.8.2021, me qëllim mbrojtjen e shëndetit të popullatës nga infeksioni i shkaktuar nga COVID-2019

URDHËROJ:

1. Të gjithë personat që rrezikohen dhe përbëjnë rrezik për të tjerët, për të penguar përhapjen e sëmundjeve infektive përbushin detyrimet e përcaktuara në nenin 18, pika 7, germa “a/ii”, të ligjit nr. 15/2016, “Për parandalimin dhe luftimin e infeksioneve dhe sëmundjeve infektive”, të ndryshuar.

2. Personeli i institucioneve arsimore dhe studentët, si një ndër kategoritë e përfshira në pikën 1, të këtij urdhri, duhet të depozitojnë pranë qendrës së punës dhe studentët pranë zyrave të përcaktuara nga IAL-të përkatëse, Certifikatën e Vaksinimit COVID-19 nga *e-Albania* apo kartën e vaksinimit.

3. Për punonjësit e institucioneve arsimore që nuk paraqesin Certifikatën e Vaksinimit COVID-19 apo kartën e vaksinimit, do të kërkohet paraqitja, çdo javë, e testit PCR, të kryer sipas procedurës për kryerjen e testeve për efekte administrative, për të verifikuar që nuk janë mbartës të infeksionit Sars-Cov-2, duke filluar nga data 27.9.2021.

4. Për studentët që nuk paraqesin Certifikatën e Vaksinimit COVID-19 apo kartën e vaksinimit, drejtuesit e Institucioneve të Arsimit Universitar të marrin masa për ofrimin e studimit në platforma alternative, duke filluar nga 11.10.2021.

5. Institucionet arsimore të identifikojnë personelin e institucionit arsimor dhe studentët që kanë depozituar Certifikatën e Vaksinimit COVID-19 apo kartën e vaksinimit dhe të raportojnë pranë Institutit të Shëndetit Publik informacion mujor mbi identifikimin e kryer.

6. Përrjashtim nga rregullat e përcaktuara në këtë urdhër bëhet vetëm për rastet që kanë indikacion mjekësor të përcaktuar me dokument mjekësor për mosaplikimin e vaksinës.

7. Instituti i Shëndetit Publik të marrë masat dhe të monitorojë mbulimin vaksinal të grupet e përmendura në pikën 2 të këtij urdhri dhe të raportojë në Ministrinë e Shëndetësisë dhe Mbrojtjes Sociale.

8. Ngarkohet Operatori i Shërbimeve të Kujdesit Shëndetësor, Inspektorati Shtetëror Shëndetësor, Instituti i Shëndetit Publik të bashkëpunojnë me institucionet e arsimit të lartë, për zbatimin e këtij urdhri.

9. Ky urdhër i përcillet ministrisë përgjegjëse për arsimin.

Ky urdhër hyn në fuqi menjëherë dhe botohet në Fletoren Zyrtare.

MINISTËR I SHËNDETËSISË DHE
MBROJTJES SOCIALE
Ogerta Manastirliu

URDHËR

Nr. 413/1, datë 27.9.2021

PËR NJË NDRYSHIM NË URDRIN NR. 413, DATË 24.9.2021, “PËR MARRJEN E MASAVE, PËR PARANDALIMIN E INFEKSIONIT COVID-19, PËR PERSONELIN E INSTITUCIONEVE ARSIMORE DHE STUDENTËT”

Në mbështetje të nenit 102, pika 4, të Kushtetutës së Republikës së Shqipërisë; të pikës 7, të nenit 18, të ligjit nr. 15/2016, “Për parandalimin dhe luftimin e infeksioneve dhe sëmundjeve infektive”, të ndryshuar; të udhëzimeve të Institutit të Shëndetit Publik, të Komitetit të Ekspertëve të Imunizimit të datës 29.8.2021, si edhe në zbatim të vendimit të Komitetit të Përkohshëm për Infeksionin e Përhapur nga Coronavirus i ri nr. 3614 prot., datë 30.8.2021, me qëllim mbrojtjen e shëndetit të popullatës nga infeksioni i shkaktuar nga COVID-19,

URDHËROJ:

Në urdhrin nr. 413, datë 24.9.2021, “Për marrjen e masave, për parandalimin e infeksionit COVID-19, për personelin e institucioneve arsimore dhe studentët”, bëhet një ndryshim si më poshtë vijon:

1. Pika 4 riformulohet si më poshtë vijon:

“4. Studentët duhet të paraqesin certifikatën e vaksinimit COVID-19 apo kartën e vaksinimit për të hyrë në institucionet e arsimit të lartë, duke filluar nga data 11.10.2021.”.

2. Ky urdhër i përcillet ministrisë përgjegjëse për arsimin.



Ky urdhër hyn në fuqi menjëherë dhe botohet në Fletoren Zyrtare.

MINISTËR I SHËNDETËSISË
DHE MBROJTJES SOCIALE
Ogerta Manastirliu

VENDIM
Nr. 14, datë 14.9.2021

BIBLIOGRAFIA E INFORMACIONIT TË DEKLASIFIKUAR NË AIDSSH

Bazuar në ligjin nr. 8457, datë 11.2.1999, “Për informacionin e klasifikuar ‘Sekret shtetëror’, të ndryshuar; kreu III, neni 13, pika “b”; në vendimin e Këshillit të Ministrave, nr. 662, datë 15.11.2017, “Për miratimin e rregullores për deklasifikimin dhe zhvlerësimin e informacionit të klasifikuar ‘Sekret shtetëror’”; kreu II, neni 4, pikat “a”, “c”, dhe në udhëzimin nr. 99, datë 13.4.2018, “Për zbatimin e vendimit nr. 662, datë 15.11.2017, për deklasifikimin dhe zhvlerësimin e informacionit të klasifikuar ‘Sekret shtetëror’”, Komisioni i Deklasifikimit dhe Zhvlerësimit të Informacionit të Klasifikuar “Sekret shtetëror”, në AIDSSH, i ngritur me urdhrin nr. 13, datë 3.5.2018, të kryetarit të Autoritetit, “Për krijimin e Komisionit të Deklasifikimit dhe Zhvlerësimit të Informacionit të Klasifikuar, ‘Sekret shtetëror’, të ndryshuar në AIDSSH”, ka bërë deklasifikimin e informacionit të klasifikuar “Sekret shtetëror”, me vendimin nr. 14 datë 14.9.2021, si më poshtë:

I. Deklasifikoi plotësisht informacionet e mëposhtme:

1. Dosje e problemit të centralizuar nr. 1076, “Shushunja”, 123 (njëqind e njëzet e tre) fletë. Niveli i klasifikimit të dosjes është “Sekret”. Dosja i përket Fondit ish-Dega IV.

2. Fashikull nr. 9626, në ngarkim të S.G., me 5 (pesë) fletë në total. Niveli i klasifikimit të dosjes është “Tepër sekret”. Fashikulli i përket Fondit ish-Kosova.

3. Dosje formulare nr. 1106, në ngarkim të A.H., me 117 (njëqind e shtatëmbëdhjetë) fletë. Niveli i klasifikimit të dosjes është – “Tepër sekret”. Dosja i përket Fondit ish-Dega e Punëve të Brendshme Pogradec.

4. Dosje përpunimi nr. 510, në ngarkim të A.Xh., me 67 (gjashtëdhjetë e shtatë) fletë. Niveli i klasifikimit të dosjes është “Tepër sekret”. Dosja i përket Fondit ish-Dega e Punëve të Brendshme Përmet.

5. Fashikull nr. 1331, në ngarkim të H.Ç., me 91 (nëntëdhjetë e një) fletë në total. Niveli i klasifikimit të dosjes është “Tepër sekret”. Fashikulli i përket Fondit ish-Të Arratisur.

6. Dosje kërkimi dhe dosje formulare nr. 963/3, në ngarkim të Z.H., me 47 (dyzet e shtatë) fletë në total. Niveli i klasifikimit të dosjes është “Tepër sekret”. Dosja i përket Fondit ish-Të Arratisur.

7. Dosje formulare nr. 1442, në ngarkim të DH.V.L., me 108 (njëqind e tetë) fletë. Niveli i klasifikimit të dosjes është “Tepër sekret”. Dosja i përket Fondit ish-Dega e Punëve të Brendshme Shkodër.

8. Fashikull nr. 6, në ngarkim të DH.V.L., me 4 (katër) fletë. Niveli i klasifikimit të dosjes është “Sekret”. Dosja i përket Fondit ish-Dega IV, F. Rezervë.

9. Dosje agjenturore nr. 3094 “Nëpërka”, me 38 (tridhjetë e tetë) fletë. Niveli i klasifikimit të dosjes është “Tepër sekret”. Dosja i përket Fondit Ish-Operativ.

10. Dosje personale dhe pune nr. 1451, në ngarkim të M.D., me 108 (njëqind e tetë) fletë. Niveli i klasifikimit të dosjes është “Sekret”. Dosja i përket Fondit ish-Dega e Punëve të Brendshme Shkodër.

11. Regjistër agjente nr. 1. Model K.I., me 190 (njëqind e nëntëdhjetë) fletë, fillon me nr. rendor 1 dhe mbaron me numrin rendor 2451, në total janë 61 (gjashtëdhjetë e një) fletë të plotësuara. Niveli i klasifikimit të regjistrit është “Tepër sekret”. Regjistri i përket fondit ish-Dega e Punëve të Brendshme Mirditë.

12. Fondi 4, Drejtoria I, dosje nr. 142, viti 1990. Të dhëna të Drejtorisë III mbi një refugjat kosovar me mbiemrin G. dhe mbi disa punonjës e vizitorë nga Jugosllavia. Dosja ka 4 (katër) fletë. Niveli i klasifikimit të dosjes është “Sekret”.

13. Fondi 4, Drejtoria I, dosje nr. 345/3, viti 1974. Informacion dërguar udhëheqjes së Partisë së Shtetit mbi miratimin e masave të plenumit V Komiteti Qendror nga ana ushtarake për dënimin e armikut të partisë B.B. Dosja ka 3 (tri) fletë. Niveli i klasifikimit të dosjes është “Sekret”.

14. Fondi 4, Drejtoria I, dosje nr. 330, viti 1974. Informacion i Degës së Sigurimit të Ushtrisë mbi komentet armiqësore nga radhët e ushtarakëve për grupin komplotist të B.B. Dosja ka 14 (katërmëdhjetë) fletë. Niveli i klasifikimit të dosjes